



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 2. Papa Roma abstrahitur.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

nulli mentiebantur, satis virium ad eum Sæculum VII
A. C. 653.
vi repellendum mihi suppetere.

§. II.

Papa Roma abstrahitur.

Hoc responso accepto ad Exarchum reversi sunt. Ecce vero, media horæ parte necdum elapsa, Chartularius denuo adest cum militibus. Papa gravi affectus ægritudine in lectulo suo ad portam Ecclesiæ decumbebat; intrant milites scutis, gladiis, hastis armati, & intensos arcus tenentes. Confractis Ecclesiæ cereis pavementum sternunt, ingenti fragore, quem arma quassata geminabant. Tunc Calliopa Presbyteris & Diaconis Imperatoris mandatum exhibuit, quo Martinum Papam tanquam indignum & intrusum deponere, & postquam alium Episcopum in ejus Sedem ordinassent, Constantinopolim mittere jubebantur. Statim Papa ex Basilica Epist. 14. exiit, Clero clamante, Exarcho & Theodoro Cubiculario audientibus, *Anathema illi, quicumque dixerit, vel crediderit, Martinum Papam vel unicum in Fide apicem mutasse, & quicumque in Fide Catholica usque ad mortem non perseveraverit!* Calliopa, ut se coram adstantibus purgaret, dixit: *Non datur alia fides quam vestra, ipse ego aliam non teneo.*

Sæculum VII

A. C. 653.

Ep. 15. p. 65.

Papa abstrahitur.

Itaque Pontifex non reluctans se ipsum tradidit ad Imperatorem deducendum, nec aliquos ex Clericis sibi acclamantes, ne se dederet, audire voluit, dicens; malle se decies mori, quam causam dare vel unius hominis sanguinem fundendi. Id solum ab Exarcho petiit: *Permitte, ut Clerici, quos elegero, mecum proficiscantur.* Calliopa respondit: *Omnes eant, quotquot voluerint, nemini vim facimus.* Episcoporum aliqui exclamarunt: *Cum ipso vivemus, aut cum ipso moriemur.* Tum Calliopa ad Papam: *Veni nobiscum ad Palatium.* Illo igitur ivit eodem die, altero autem, qui erat dies Martis decimus octavus Junii ad Papam convenerunt omnes Clerici, cum pluribus aliis, qui se ad navigandum expedierant, jamque sarcinas lembis intulerant. Sed nocte sequente hora circiter sexta, id est, media nocte, Papa e Palatio abstrahitur, omnes, qui eum comitaturi erant, includuntur, & res variæ iter facienti necessariæ auferuntur. Præter sex servulos juvenes & unum vas, unde biberet, nihil Pontifici relictum.

Ita Roma excedere compellitur, statimque clausæ Urbis portæ, ne saltem aliqui amicorum sequi possent. Papa lembo impositus secunda Tiberi Portum Romanum devehitur, quo hora diei quarta, feria quarta, decimo tertio Cal. Julii, id

id est, die Mercurii decimo nono Junii, Sæculum VII
 hora decima matutina pervenit. Eodem A.C. 653.
 die qui eum deducebant, inde profecti
 Misenum primo Julii appulerunt. Unde
 postea in Calabriam & in multas Insu-
 las delati trium mensium spatium exege-
 runt. Tandem in Insula Naxo expositi,
 ibidem per annum commorati sunt. Hoc
 toto itinere Summo Pontifici, quamvis
 profluvio, quod eum quiescere nunquam
 sinebat, & incredibili ciborum fastidio
 laboraret, nullum levaminis genus con-
 cessum, nisi quod in Naxo Insula bis ter-
 ve balneo uti, & in quadam urbis domo
 divertere licuerit. Extra hanc Insulam
 nunquam e navi, quæ ei carceris loco
 fuit, descendere datum est, etiamsi cu-
 stodes ejus, quotiescunque occasio fave-
 ret, ad littora demitterentur, ut fatiga-
 ta pelagi erroribus corpora reficerent.
 Interim Romæ jussu Imperatoris Euge-
 nius Papa constituitur. Erat is patria
 Romanus, Rufiniani filius, a puero Cle-
 ricis adscriptus. Nono Sept. anno 655. *Anast. in*
 demum electus est, & annis ferme tri- *Eugen.*
 bus sedit. (*) *v. Coint. an.*
658. n. 9.

§. III.

Ecclesie in Anglia.

Eodem anno 653. obiit Honorius Archi-
 M 3 epis-

(*) Id factum ad evitanda majora mala;
 præsertim ne Imperator Hæreticum intruderet.